



TUHAQTITAUYUKHAQ

Nunavunmi Avatilirinirmut Katimayit Tuhaqtitiumayut Atan'nguyalluakhat

IQALUKTUUTTIAQ, NU – December 04, 2023: Kinguani iniqtirutait hivituyumi atan'nguyalluakhamik qiniqhiavaktut hanaqiyauvaktuq taffumanga Odgers Berndtson, ukua Nunavunmi Avatilirinirmut Katimayit (NIRB) quviahuktut tuhaqtitiplutik tamna **Robbin Sinclair** NIRB-kut Atan'nguyalluakhat, talvanga atulirluni January 29, 2024.

Robbin havakturniqtuq ayuittiagiikhimayuq havakpakhimayuq talvani nunalaani nanminiaqatunik havagvingni talvani maniliqinirmik munaqhivakhuni, kavamaliqinikkut kiudjutikharniklu. Iltaridjutiqaqtuq Ayuittiagiikhimayuq Maniliqiyi (CPA) ilauyurlu ihuaqtumik aulahimayuq talvani Iltaridjutiqaqtunik Ayuittiagiikhimayuq Maniliqiyi B.C., Ontario, NWT/Nunavut. Uvani 2019 aittuqtauhimayuq ilitariyaunirmik "Fellow" tamainit pigahunit Katimayinit. Unaluttauq, Naunaitkutiqaqtuq Nunaqaqqaahimajunut Kiinaujaliqinirmut Atan'ngujaq (CAFM) ataani AFOA Canada imaalu pihimapluni nunarjuami ilitarijauhijunuk Havaakhanik Atan'ngujanik Ajuittiaqhimajuq (PMP) tikkuqaqtauhimajuq.

Talvanganin 2002, Robbin aulatitivakhimayuq nanminiriyainik Kavamatuqatkut ilaliudjaujut tutqikhayukharnik atuqtakharnik Kanatami kivataani Ukiuktaqtumi taima kivgaqtuivakhimajuq inungnik. Uvani 2018 nuuhimayuq timiuyuqtauuyup havagviat talvunga B.C. tadjahamani nunaqaqtuq huli. Havadarjarkpiakyuq angayukhiuyuq atan-nguyaq, Robbin naunaittuq pidjariqtuq havaqatiginiaqtait imaalu havaqatigiingnikkut tamaini aalaqkiini havagviup uvalu amigaitut tigumidjutiqaqtut katimayut uvalu naunaiyaqhimayut uvalu hivuliqhurnikkut kittuniliqaak havagviujuni. Robbin ilauvakhimajuq nunalaani katimaqatigiiktuni imaalu nunalaani katimapkaiyukhanik talvuuna hanaqidjutikharnik taima ayungnautiqaqtunuk Nunavunmiut imaalu Aviktuqhimajuni tamaat. Ihumajurlu ikayuutikhanik uvalu piyaangini ihuaqtumik havauhikhaminik taimaatut tamaita ihumagiyauyut tuhaayuyukhat uvalu pittiaqtauuyut qiniqhiagaangamik ihuaqtumik pivalliyaangani Nunavunmi ikayuutikhanik uvalu inuuhiqattiarnikkut tadjamin uvalu hivuniptingni kinguliptingnun.

Hivuagut nunaqaqpakhimajuq Nunavunmi ubluq tamaat 9-ni ukiuni imaalu havaqatigivakhugit Nunavunmi timiqutaujunut avatqumajunik 20 ukiuni, Robbin inuuhiringnaqtumik pittariyait Inuit pitquhiinnik imaalu qaujimajattiaqtait anginiqarnianik Inuit Qaujimajatuqangit NIRB-kut imaalu Nunavunmiut. Quviahuktut havaqatiginialiramigit NIRB-kut quviahukturlu nuutiffaariamini Iqaluktuutiamut havaqatikhaminik illituriqarikhilugitlu tamaita nakuutqiamik tatqiqhiutini ukiunilu.

Ryan Barry aulahimaarniaqtun kivgaqtuiluni taima Katimayit *tadjakaffuk* Atan'nguyalluakhat talvunga January 29, 2024 havaqatiginiaqtaitlu Katimayingit havaktiitlu naunaiyaiyaangat ihuaqtumik Robbin taima Atan'nguyalluakhat.

NIRB-kut ilihimaliqtut Robbin ikayurniaqtaa hivulliqhurniaqtait timiqutigiyauyut nakuuyumik ukiuni hivunirmi niriuqturlu tunigiami nutaanguqtiqhimayumik uqaqatigiyakhat naunaitkutaq qaitquiuyuq ilaliutigiami talvanga havaliiqqat NIRB-kuni uvani January.

Pittiarnikkut,

Kaviq Kaluraq
Ikhivautalik
Nunavunmi Avatilirinirmut Katimajit